

光讚般若波羅蜜經

才三

六十七  
河三

47450



元祿九年丙子二月日重脩

佛  
 皇  
 日  
 增  
 輝  
 佛  
 帝  
 輪  
 常  
 轉  
 日  
 增  
 輝  
 佛  
 帝  
 輪  
 常  
 轉  
 日  
 增  
 輝

山城州天安寺法金剛院置



光讚般若波羅蜜經卷第三  
河

西晉三藏法師竺法護譯

行空品第三之下

佛告舍利弗或有開士夫士修於神通至度無  
極無央數神通因緣之事任於斯地以一身之  
化若干形還復為一身於是墻壁隔礙山陵嵩  
高越之無礙知虛空中水品流行處為雲氣  
譬如飛鳥遊行空中出入于地出無間入于孔  
譬言如入水履行水上其猶如地身出火光猶

如大火此諸日月光明威神巍巍難及則以  
手掌捫其日月而捉光明猶得自在身到梵  
天不以神足而自負高竟不慢恣亦無所念  
其神足亦無所得亦無憍逸起亦無所想亦  
無念者興自然空自然空者則為寂寞其自然  
者亦無所起又如斯者不發神足及神足行唯  
以專思諸神通慧事是開士智度無極神足證  
慧神足所由佛告舍利弗其開士大士淨於天  
耳越天人耳得聞二音諸天人聲亦不想念  
天耳之種不作是念我聞其聲亦無所得自然  
之空自然寂寞其自然者則無所起亦無所  
得亦無所念亦不自念我得天耳唯以志於諸  
通事開士大士是為行智慧度無極天耳證  
慧神通之行佛告舍利弗其開士大士則知

通事開士大士是為行智慧度無極天耳證  
慧神通之行佛告舍利弗其開士大士則知  
他人衆生心念虛實所趣有欲心無欲心有  
欲想無欲想瞋恚心瞋恚想離瞋恚心離瞋  
恚想愚癡心思癡想離愚癡心離愚癡想有  
思愛心離思愛心有所受無所受若舉若下

卒暴心安詳心若大心若小心若定心若不  
定心若脫心若不脫心其彼心汙染甫當汙  
染其心染想甫當染想如審曉了分別虛實  
有無上心念於無上亦無所念亦無所想所  
以者何是諸心無心所由起諸心無想念則  
優憶念往古遊居慧所證明所以神通遊於

居慧所證明所以神通以此御之一心念識  
百日事百月事百歲事一劫百劫無鞅數劫  
無數百劫無數千劫無鞅數億百千姪悉識  
念本之所在處某字為某種姓為其所生如  
斯食飲亦然久住如此壽命長短苦樂善惡  
從彼終沒生於某處此眾此生彼所說如是  
能識念無鞅數過三卷去遊居亦不想念二所獲神  
通佛語舍利弗開士大士智慧度無極能如  
是者則為識念往古遊居神通明證之慧是  
為神通慧行佛告舍利弗其開士大士則以  
天眼觀於眾生生死終始善根惡根禍福善  
惡趣安趣苦微妙瑕穢由其所作悉了知之

其可愍之了身行惡口言惡心念惡具足惡  
行誹謗賢聖奉於邪見以此緣故碎身壽命  
趣于勤苦墮于地獄此仁賢等衆生之類其  
身行善口言善心念善衆行具足不謗賢聖  
奉遵正見緣此行故碎身壽命終趣于安隱昇  
生天上覩見八方上下可愍之了身行惡口  
言惡心念惡具足惡行誹謗賢聖奉於邪見  
以此緣故碎身壽命趣於勤苦墮地獄此仁  
賢等衆生之類其身行善口言善心念善衆  
行具足不謗賢聖奉遵正見緣此行故碎身  
壽命終趣于安隱昇生天上覩見八方上下神  
通已達皆然覩見十方無有蔽礙佛告舍利

弗其開士大士逮得知人心念一日百日一  
歲百歲一劫百劫千劫萬劫億劫無鞅數劫  
無鞅數億億百千劫至于無限十方世界諸  
佛國土所念無量不可稱限心無蔽礙是爲  
開士大士知他人心所念往古遊居神通明  
證之慧神通慧行佛告舍利弗開士大士自  
知身所從來一生百生千生萬億生無鞅數  
億生一劫百劫千劫萬劫億劫無數億劫善  
惡禍福善惡所趣父母兄弟宗室妻子勢貴  
富樂貧賤困苦愚智窮達名字種姓是爲開  
士大士自知身所從來往古遊居神通明證  
之慧神通慧行五道自然覩見十方無有蔽



礙佛告舍利弗開士大士有漏盡慧證神通  
為達不墮聲聞緣覺地亦不想念他異之法  
亦不想念我逮得無上正真之道成最正覺  
亦不以漏盡之慧神通之慧為慢逸念設如  
來十力四無所畏四分別辯十八不共諸佛  
之法解十二因緣無根本三十七品無端緒  
教化一切如是舍利弗開士大士智慧度無  
極為具足神通已能具足則有長益逮得無  
上正真之道為最正覺佛告舍利弗或有開  
士大士行智慧度無極住布施度無極見能  
嚴淨諸通道究竟真空從其興受而行恩德  
佛告舍利弗或有開士大士行智慧度無極

住戒度無極具足嚴淨諸通道究竟意空無信  
不信無起不起興立於誼求無所生佛告舍  
利弗或有開士行智慧度無極住忍度無極  
具足嚴淨諸通道究竟真空興于忍辱無有  
瞋恨解知無本一切悉空佛告舍利弗或有  
開士大士行智慧度無極住精進度無極具  
足嚴淨諸通道究竟真空身意精進專于一  
誼所行精進無有諸漏興立此進佛告舍利  
弗或有開士大士行禪度無極住一心度無  
極具足嚴淨諸通道究竟真空其心不乱不  
舉不下不起不滅興立斯禪佛告舍利弗或  
有開士大士行智慧度無極住智慧度無極

具足嚴淨諸通道究竟真空除邪見心勸發  
無智興無所與佛告舍利弗如是開士大士  
行智慧度無極住六度無極具足嚴淨諸通  
道究竟真空來不來者若無去來興無所受  
不施不慳不戒不犯不忍不怒不進不急不  
禪不乱不智不愚其所施者亦無所念亦無  
想念布施慳貪持戒犯禁忍辱瞋恚精進懈  
怠一心乱意智慧愚癡不念罵詈不念歌歎  
有為亦不想念無起者無所瞋者無所罵者  
亦不想念有所言談亦不念有亦不念無佛  
言舍利弗是開士大士行智慧度無極名德  
之稱聲聞緣覺所不能及備斯德已教化衆

生嚴淨佛土行廣大慈得諸通道慧佛告舍  
利弗開士大士智慧度無極常發等心向於  
衆生已能等心向於衆生則便獲致等於諸  
法已能獲致等諸法者則能得立等諸衆生  
一切諸法應時現在則爲佛出尊所見愛敬  
及諸開士一切聲聞緣覺所見欽奉然後在  
在所生處目未曾見不可之事耳不聞惡聲  
鼻不聞臭口無惡味身無麤堅心無邪法開  
士大士行智慧度無極能如是者終不亡失  
無上正真之道佛說是智慧度無極品時三  
百比丘悉修行者皆以瓔珞奉散佛上發無  
上正真之道心佛尔時笑賢者阿難即從座

起更整衣服右膝著地又手白佛何因緣笑  
既笑當有意佛告阿難此三百比丘六十一  
劫當得作佛号曰大英如來至真等正覺明  
行成爲善逝無上士道法御天人師号佛衆  
祐於是歿沒當生阿閼如來至真等正覺國  
土六万欲行天當在弥勒佛世時出家爲沙  
門承佛聖旨於彼世時尋見千佛五所行在於  
衆生八方上下亦復如是各見千佛及諸國  
土又復覩見此忍世界嚴淨無瑕如彼諸佛  
如來至真等正覺世界於彼万人各自發願  
吾等各興行意欲現在現在佛國時佛即知  
善男子心之所念即時復笑阿難長跪重問

佛言何因緣笑笑必有意佛告阿難是見万人建立願不對曰唯然世尊告曰此万人於此壽終所生佛國未曾遠離諸佛如來然後得佛号嚴淨如來至具等正覺也

光讚般若波羅蜜經歎等品第四

於是賢者舍利弗摩訶目捷連大迦葉此等及餘無數聖通明達比丘及諸菩薩摩訶薩清信士清信女悉白佛言唯然世尊如是行者為是菩薩摩訶薩大度無極微妙波羅蜜無能勝者最超波羅蜜無能超越者甚尊波羅蜜則而有持勢名波羅蜜無能及者無上波羅蜜無能過者無量波羅蜜無能過者是

諸菩薩摩訶薩無倫波羅蜜所度無極無雙  
波羅蜜空度無限唯然世尊是諸菩薩摩訶  
薩已相為空而度無極無想波羅蜜所度無  
念無願波羅蜜所度無著一切諸法空悉自  
然無所有故空波羅蜜自然空故一切德具  
足波羅蜜所度無極唯然世尊諸菩薩摩訶  
薩一切德備般若波羅蜜無能當者無所行  
波羅蜜謂菩薩摩訶薩波羅蜜也於是菩薩  
摩訶薩能等無等其所施與假能具足等無  
等波羅蜜則能到已還等已能獲致等無等  
至于阿耨多羅三耶三菩檀波羅蜜能還致  
等無等尸羸惟逮禪般若波羅蜜譬如菩薩

行檀波羅蜜應所當為天中天不但有般若  
波羅蜜便能獲致等於無等則於眞法色痛  
痒思想生死識若轉法輪等無所等過去佛  
天中天當來現在諸佛悉行是般若波羅蜜  
轉等於無等之法輪者是故世尊菩薩摩訶  
薩欲度一切諸法之表當行般若波羅蜜喜  
薩摩訶薩河當為作禮諸天人民阿須倫悉為三卷  
行般若波羅蜜者誓首作禮佛即告是於無  
鞅數諸聲聞菩薩摩訶薩如是如是善男子  
當為菩薩摩訶薩作禮諸天人民阿須倫若  
有行般若波羅蜜者皆來歸命佛語舍利弗  
若菩薩摩訶薩來現於世化現人間若在天



上現君子族姓梵志長者若現在轉輪聖王  
四王天上忉利天鹽無天兜率天尼摩羅天  
波羅尼蜜天上至阿迦膩吒天須陀洹斯陀  
含阿那含阿羅漢現出世間辟支佛怛薩阿  
竭阿羅呵三耶三佛現在世間佛言以是故  
舍利弗菩薩摩訶薩而來現耳若能致獲飲  
食衣服牀卧具屋宅燈火明月珠寶水精琉  
璃璧玉金銀珊瑚琥珀車磔馬齒以給衆生  
佛語舍利弗不以是故出現世間以持斯語  
救護世間使得安隱諸天人民所會伎樂皆  
是菩薩摩訶薩懷來致現所以者何菩薩摩  
訶薩設有新行修六波羅蜜者住六波羅蜜

欲勸衆生布施之故便自施與持戒忍辱精  
進一心智慧亦復如是以勸群萌修般若波羅  
蜜是故舍利弗菩薩摩訶薩安一切衆生之類  
光讚般若波羅蜜經授決品第五

於是世尊即出舌本覆三千大千世界從其

舌本出無鞅數光明之耀照於東方諸佛世

界應時東方河江河沙等諸佛國土而無鞅數

不可計會諸菩薩摩訶薩觀光明各各在其

佛土自往諮啓諸佛世尊而問斯誼唯天中

天是何威神而今此土光明普照於時其國

諸如來衆各各告菩薩摩訶薩善男子欲知

此變西方去此江河沙等諸佛世界有佛土

名曰忍界其佛号釋迦文怛薩阿竭阿羅呵  
三耶三佛出舌本光明照于東方江河沙等  
世尊世界普令照耀周及十方所以然者爲  
諸菩薩摩訶薩講般若波羅蜜於時彼土菩  
薩摩訶薩各自啓佛唯然大聖我等欲往誓  
首歸命釋迦文如來及諸菩薩摩訶薩并欲  
聽省般若波羅蜜其佛告曰往善男子從仁  
擇時如尔所欲時諸菩薩啓佛見聽各各自  
取衆盖幢幡香華敷飾雜香搗香金華銀華  
徃詣釋迦文怛薩阿竭阿羅呵三耶三佛誓  
首佛足各以所賣衆盖幢幡香華敷飾雜香  
搗香金華銀華用散佛上及諸菩薩諸聲聞

上八方上下亦無鞅數不可計會諸菩薩摩訶薩各各自於其國啓白世尊此之威曜何所從來諸佛告曰有佛号名釋迦文尼怛薩阿竭阿羅呵三耶三佛出舌本光明之德各照十方江河沙等諸佛國土是其威曜時諸菩薩各啓其佛欲往誓首釋迦文見諸菩薩諸佛告曰往族姓子從仁擇時如志所欲諸菩薩衆各齎供養往詣釋迦文怛薩阿竭阿羅呵三耶三佛誓首作禮進上所齎却坐一面聽佛所說於時四大天王上諸天人忉利天鹽天兜率天尼摩羅天波羅尼蜜天上至阿迦膩吒天各齎天華天香天搗香天雜香

青蓮華紅蓮華黃蓮華白蓮華皆以天上微妙香華各各執持往詣佛所於時諸天上及諸菩薩各各齎持香華雜香搗香各各供養奉散如來至真等正覺上於時所散華香上在虛空化為宮殿在於四方而於虛空中向于四面微妙分明皆以衆寶人所悅樂於衆會河億百千妓三卷皆共叉手自歸命佛而問世尊敬唯天中天我等之身當來之世願得法利亦復如是如怛薩阿竭阿羅呵三耶三佛諸聲聞衆亦當如是爲諸會者講說經法如今所演尔時世尊知善男子心之所念觀一切法亦無所起亦無所行一切諸法無所逮得見

心所忍佛應時笑賢者阿難前白佛言佛何  
因笑笑當有意佛告阿難今此衆會億百千  
姪人皆悉逮得不起法忍過於當來六十八  
億劫當得作佛号曰覺華怛薩阿竭阿羅呵  
三耶三佛明行成爲善逝世間解無上士道  
法御天人師号佛世尊劫名華事世界曰華嚴  
光讚般若波羅蜜經分別空品第六

尔時佛告賢者須菩提豈能堪任爲諸菩薩  
摩訶薩緣發般若波羅蜜菩薩摩訶薩因此  
得生於是諸菩薩摩訶薩衆聲聞及天人各  
心念言今須菩提自以辯才爲諸菩薩摩訶  
薩說般若波羅蜜乎承佛聖言說耶又須菩  
提知諸菩薩摩訶薩衆大聲聞諸天人心之  
所念謂賢者舍利弗敢佛弟子有所說者分

提知諸菩薩摩訶薩衆大聲聞諸天人心之  
所念謂賢者舍利弗敢佛弟子有所說者分  
別光耀一切皆乘如來威德恒薩阿竭所可  
說法彼一切法於本無諍諸善男子當學斯  
法則證其法學者皆順如來慧證境界諸菩  
薩摩訶薩說般若波羅蜜非聲聞辟支佛之  
境界所以者何說法得時河二卷莫不喜悅舍利弗九  
謂須菩提斯謂菩薩時須菩提白世尊曰所  
謂菩薩者天中天何謂菩薩於此法中何因  
有菩薩之言我亦不見菩薩之法何謂菩薩  
唯天中天我永不見般若波羅蜜及於菩薩  
當云何說菩薩摩訶薩般若波羅蜜當以何

誼爲諸菩薩講般若波羅蜜而聞導乎佛告  
賢者須菩提所謂般若波羅蜜及菩薩者但  
假号耳其名無名其名不在於內不在於外  
不處兩間譬如須菩提所見人者但假託号  
彼亦無名其法不起不滅因緣和合隨俗所  
名但音聲言及我人壽命蚊行喘息蝸飛蠕  
動衆生之類所作所造所興勸助所見所覩  
所知所觀一切皆爲假号之法一切不起不  
滅諸天人民所可言誨亦復如是如此須菩  
提計般若波羅蜜及菩薩名悉爲假号皆不  
起不滅至于天中天所可言名等無有異譬  
如須菩提於內所有所與我色斯亦假名法



為假託作斯字也其假号法不起不滅欲得  
了此因緣之合有言聲耳痛痒思想生死識  
法為假号其法所名不起不滅若以因緣假  
託之現而有言聲如是須菩提所謂般若波  
羅蜜有言菩薩及菩薩名但所託者其法不  
起不滅所謂菩薩般若波羅蜜及菩薩名悉  
無他猗因緣猗号而有斯言眼則恍惚虛寂  
至于假号法為託字亦皆不起不滅因緣假  
号而有言聲所謂眼空其眼無內無外不處  
兩間耳鼻舌身意亦復如是法為假託其法  
不起不滅因緣合名而有言聲其号心者心  
不在內亦不在外不處兩間所謂色者須菩

提法所假号不起不滅亦無内外不處兩間  
其眼界者亦為假号因法託名其曰眼界色  
界眼識界耳界聲界耳識界鼻界香界鼻識  
界舌界味界舌識界身界細滑界身識界意  
界念界意識界法為借号而有言聲其法無  
内無外不處兩間如是須菩提所謂菩薩及  
般若波羅蜜河三卷因法假号其号不起不滅猗託  
為名而有言聲般若波羅蜜菩薩字其名無  
内無外不處兩間譬言如須菩提所謂其内是  
我身因字頭首其名但言聲又復名頸項五  
陰兩臂背齋脅肋兩臙兩脚但假号耳託首  
聲言因緣法為号計其法者不起不滅計此

所有悉為假託而立言聲計其名者不起不  
滅無內無外不處兩閒如須菩提般若波羅  
蜜菩薩名者皆為假号其法不起不滅盡為  
假託而有言聲其名亦不起不滅無內無外  
不處兩閒譬如須菩提於此外有草木枝葉  
華實計此一切悉為假号而有言聲其名無  
名其名不起不滅假託為名而有言聲計其  
名者無內無外不處兩閒如是須菩提般若  
波羅蜜及菩薩字一切皆因法假号其法不  
起不滅其名無內無外不處兩閒譬如須菩  
提過去諸佛世尊皆共假傳其号當來現在  
亦復如是譬如須菩提呼聲之響又如鏡像

幻化野馬如來解說一切諸法皆猶如化但  
假有号其号不起不滅猗託為名而有言聲  
其名無內無外不處兩間如是須菩提所謂  
菩薩般若波羅蜜但假号耳其号不起不滅  
無內無外不處兩間如是須菩提所謂菩薩  
摩訶薩般若波羅蜜因緣合會而假虛号所  
号善權所号法皆假託耳十當作是學行般若藏六  
波羅蜜不住名色亦無所見不住痛痒思想  
生死識不住於名不覩名色不常不見名色  
安樂不見名色苦惱不見名色而有內者不  
見名色而有外者不見名色而有空者不見  
名色無想之變不見名色無願之事不見名

色而寂寞者不見名色而慌忽者不見名色  
而有欲塵不見名色而諍訟者不見名色而  
有起者不見名色而有滅者痛痒思想生死  
識亦復如是眼界色界眼識界耳界聲界耳  
識界鼻界香界鼻識界舌界味界舌識界身  
界細滑界身識界意境界法界意識界一切皆  
尔因緣合成而為假号有是五陰所以者何  
菩薩摩訶薩行般若波羅蜜及菩薩行并於  
名号不有不無不處有為界不處無為界亦  
無所見所以者何須菩提菩薩摩訶薩行般  
若波羅蜜於一切法無所想念無應不應亦  
不想念行般若波羅蜜處無想法行諸意止

修般若波羅蜜亦不見般若波羅蜜不見般  
若波羅蜜名亦不見菩薩号亦不見十種力  
四無所畏四分別辯十八不共諸佛之法行  
般若波羅蜜時不見般若波羅蜜亦不見般  
若波羅蜜名亦不見菩薩亦不見菩薩名誰  
見菩薩行般若波羅蜜菩薩摩訶薩曉了分  
別諸法之本諸法相者計諸法本諸法相者  
亦無所著亦無諍訟如是須菩提菩薩摩訶  
薩行般若波羅蜜不因猗名爲法造号其於  
佛道亦緣号不爲假託悉曉了之不猗於色  
不猗痛痒思想生死識不猗於眼耳鼻舌身  
意亦不猗眼色識不猗耳聲識不猗鼻香識

不猗舌味識不猗身細滑識不猗意法識不  
猗眼習五陰之事而無所猗不起痛痒無苦  
無樂無不苦不樂乃至意識所習因緣則有  
痛痒及與苦樂不苦不樂行者於彼都無所  
猗亦不猗著於有為界亦不猗著於無為界  
亦不猗著檀波羅蜜亦不猗著尸波羅蜜亦  
不猗著河犀波羅蜜亦不猗著三卷惟逮波羅蜜亦  
不猗著十二禪波羅蜜亦不猗著般若波羅蜜亦  
不猗著相亦不猗著菩薩之身亦不猗著於  
肉眼亦不猗著天眼慧眼法眼佛眼亦不猗  
著慧度無極亦不猗著神通之意所度無極  
亦不猗著內外亦不猗著處于兩閒亦不猗

著於內之空亦不猗著於外之空亦不猗著  
無形之緣亦不猗著自然之空亦不猗著開  
化衆生亦不猗著佛土嚴淨亦不猗著溫  
拘舍羅所以者何用一切法悉無所有故當  
所著者亦無所著亦無所有當可持者如是  
須菩提菩薩摩訶薩於一切法而無所著爲  
行般若波羅蜜檀波羅蜜尸波羅蜜羸波羅  
蜜惟逮波羅蜜禪波羅蜜般若波羅蜜便生  
長益入于寂然得菩薩道入阿惟越致神通  
具足神通以具則遊佛國教化衆生已化衆  
生則便供養諸佛世尊則能嚴淨諸佛國土  
已能嚴淨諸佛國土諸佛世尊皆覩見於時



菩薩亦復遙見諸佛大聖亦欲逮得功德善  
本便當供養諸佛世尊誓首歸命則逮自然  
無量之德親近諸佛便得從聞所說經典已  
逮聞法未曾斷絕逮得阿耨多羅三耶三菩  
阿惟三佛獲揔持門諸三昧門如是須菩提  
菩薩摩訶薩行般若波羅蜜行分別曉了一  
切諸法河因緣假号三卷於須菩提意云何色為菩  
薩乎痛痒思想生死識為菩薩乎須菩提答  
曰不也天中天云何須菩提眼為菩薩乎耳  
鼻舌身意為菩薩乎答曰不也天中天色聲  
香味細滑法為菩薩乎答曰不也天中天又  
問於須菩提意云何眼色識為菩薩乎耳聲

識鼻香識舌味識身細滑識意法識為菩薩  
乎荅曰不也天中天於須菩提意云何地種  
為菩薩乎荅曰不也天中天水種火種風種  
空種識種為菩薩乎荅曰不也天中天於須  
菩提意云何無明為菩薩乎荅曰不也天中  
天識名色六人所習愛痛受有生老病死為  
菩薩乎荅曰不也天中天於須菩提意云何  
寧有異色為菩薩乎荅曰不也天中天寧有  
異痛痒思想生死識為菩薩乎荅曰不也天  
中天寧有異眼耳鼻舌身意為菩薩乎荅曰  
不也天中天寧有異色聲香味細滑法為菩  
薩乎荅曰不也天中天寧有異眼色識耳聲

識鼻香識舌味識身細滑識意法識為菩薩  
乎荅曰不也天中天寧有異十二因緣從無  
明至病老死為菩薩乎荅曰不也天中天於  
須菩提意云何色無本為菩薩乎荅曰不也  
天中天五陰六衰十八種四大十二因緣無  
本為菩薩乎荅曰不也天中天於須菩提意

云何寧有異無本為菩薩乎荅曰不也天中  
天佛告須菩提於須菩提意解何等誼以何  
等觀察而荅佛言色非菩薩痛痒思想生死  
識非菩薩六衰十八種四大十二因緣從無  
明至老病死非菩薩其無本者謂非菩薩若  
異無本亦非菩薩須菩提白佛言唯天中天

吾我人壽亦不可得云何當名為菩薩者云  
何名五陰六衰十八種四大十二因緣終始  
之患為菩薩耶云何名異色異痛痒思想生  
死識為菩薩耶云何名異六衰十八種四大  
十二因緣為菩薩耶云何名無本之事為菩  
薩耶云何名異無本為菩薩耶斯無處所佛  
言善哉善哉須菩提菩薩摩訶薩學般若波  
羅蜜當觀衆生人物無所有不可得般若波  
羅蜜亦無所有不可得菩薩當作是學於須  
菩提意云何口言色者為菩薩乎荅曰不也  
天中天口言痛痒思想生死識為菩薩乎荅  
曰不也天中天計色常計痛痒思想生死識

常爲菩薩乎答曰不也天中天於須菩提意  
云何計色無常計痛痒思想生死識無常爲  
菩薩乎答曰不也天中天於須菩提意云何  
口言色樂痛痒思想生死識樂爲菩薩乎答  
曰不也天中天於須菩提意云何口言色苦  
痛痒思想生死識苦爲菩薩乎答曰不也天  
中天於須菩提意云何口言色是我所痛痒  
思想生死識是我所爲菩薩乎答曰不也天  
中天於須菩提意云何口言色非我所痛痒  
思想生死識非我所爲菩薩耶答曰不也天  
中天於須菩提意云何口言色空痛痒思想  
生死識空爲菩薩乎答曰不也天中天於須  
菩提意云何口言色無想痛痒思想生死識  
無想爲菩薩乎答曰不也天中天於須菩提

菩提意云何口言色無想痛痒思想生死識  
無想為菩薩乎答曰不也天中天於須菩提  
意云何口言色無願痛痒思想生死識無願  
為菩薩乎答曰不也天中天於須菩提意云  
何口言色不空無想無願不空痛痒思想生  
死識不空不無想不無願為菩薩乎答曰不  
也天中天於須菩提意云何五陰六衰十八  
種四大十二因緣無所有為菩薩乎答曰不  
也天中天佛告須菩提仁見何誼而反云口  
所說言五陰六衰十八種四大十二因緣終  
始之患苦樂善惡空無想無願有與無悉非  
菩薩須菩提白佛言唯天中天究竟求色了

不可得何況甫復口言色者爲菩薩乎痛痒  
思想生死識亦尔究竟求常而不可得何況  
無常而可得當爲菩薩乎究竟苦樂而不可  
得何況口言苦樂爲菩薩乎究竟索是我所  
不可得何況口言我非我爲菩薩乎色痛痒  
思想生死識亦復然究竟所有色不可得何  
況口言色空爲菩薩乎痛痒思想生死識亦  
復然究竟求想不可得何況口言色無想爲  
菩薩乎痛痒思想生死識亦復如是究竟求  
願不可得何況口言色無願爲菩薩乎痛痒  
思想生死識亦復如是佛言善哉善哉須菩  
提菩薩摩訶薩欲學般若波羅蜜當作是學

口所言色不可得者痛痒思想生死識者空  
無想無願不得者則為學般若波羅蜜向者  
須菩提所言我於法中永不覩見為菩薩者  
須菩提欲知法不可見法法不可見法界法  
界不見法色界痛痒思想生死識亦然色界  
不見法界法界不見色界眼界不見法界法

界不見眼界耳鼻口身意亦復如是眼界不  
見法界法界不見意見界十八種界不見法界  
法界不見十八種界有為界不見無為界無  
為界不見有為界有為界者亦不可兩無為  
界者亦不可名無為者不可兩有為者亦不  
可名如是須菩提行般若波羅蜜能如是者



於一切法永無所見已無所見不恐不畏不  
難不懼心不怯弱亦無所恨所以者何須菩  
提已不見色痛痒思想生死識不見眼耳鼻  
口身意不見色聲香味細滑法不見色欲至  
于法欲亦無所見不見貪怒癡不見無明至  
于行識名色六入所更痛愛受有生老病死  
亦無所見不見吾我不見人壽命不見欲界  
不見色界不見無色界不見聲聞辟支佛不  
見菩薩法亦不見佛亦不見法不見菩薩衆  
已不見一切法不恐不畏不難不懼心不怯  
弱須菩提白佛言唯然世尊何因菩薩摩訶  
薩心不怯弱而無所著佛告須菩提菩薩摩

訶薩不得心所念法亦無所見是故菩薩摩訶薩心不怯弱亦無所著須菩提白佛言云何菩薩摩訶薩而不恐怖佛告須菩提菩薩而不得心畏亦無所見是故菩薩摩訶薩而不恐怖須菩提白佛言云何菩薩摩訶薩於一切法而無所得行般若波羅蜜乎佛告須菩提菩薩摩訶薩一切所行般若波羅蜜彼亦不得般若波羅蜜亦復不得菩薩之心其是為今設菩薩之為勅命

十六紙崔

光讚般若波羅蜜經卷第三 河



